

戶部則例



戶部則例

雜賦上

一蘆課乾隆十四年各省冊報江蘇蘆地科銀
草麥蘆籽粒等地每畝五釐至一錢五分一釐
不等。籽粒蕩灘熟低等田每畝一分至一錢五
分一釐不等。密蘆每畝三分至六分不等。稀蘆
每畝一分五釐至四分不等。埂划塘每畝一分
至二分不等。草泥水光籽粒水影荒白塗水窪
等灘每畝一釐至三分八釐不等。計蘆地三萬
四千三十頃七十三畝零。課銀十有二萬六千



九百五十三兩五錢一分有奇。○安徽。蘆地科銀。基草。荻草。麥市熟等地。每畝一分至三錢三釐七毫。不等。熟上中下等田。每畝一分至一錢不等。密蘆。每畝三分五釐至六分六釐不等。稀蘆。每畝二分五釐至五分二釐不等。水低等蕩。每畝一釐至二分九釐不等。草泥水等灘。每畝一釐至一分不等。蘆墩。每畝五分七釐。埂划。每畝一分。水套。每畝四分。白沙。每畝四釐。計蘆地三萬一千四百八十五頃三十一畝零。課銀五萬一千三百四十七兩二錢四分有奇。○江西

蘆地科銀。上地。每畝三分至三分五釐。中地。每畝二分至二分五釐。下地。每畝一分五釐。密蘆。每畝三分。稀蘆。每畝二分。上草地。每畝二分。中草地。每畝一分五釐。下草地。每畝一分。魚塘。每畝一分。草塌地。每畝六釐。計蘆地四千三百四十八頃八十七畝六分零。課銀六千二百六十八兩三錢六分有奇。○湖北。蘆地科銀。密蘆。每畝三分二釐至三分四釐。稀蘆。每畝自六釐至二分二釐不等。中蘆田。每畝二分五釐。下蘆田。每畝七釐。上則麥地。每畝一分八釐至二分三釐。

中則麥地。每畝一分八釐。下則麥地。每畝一分三釐。中地并中熟地。每畝二分五釐。熟地。每畝二分三釐及二分五釐。基地。每畝一分二釐至三分二釐五毫不等。草塌葫荻湖墻中草塌下草等地。每畝各六釐。草墻下草墻。每畝各三釐。計蘆地八千四百八十九頃三十五畝二分零。課銀九千八百八十四兩二錢三分有奇。○湖南。蘆地科銀。上熟地。每畝九釐至一分九釐。下熟地。每畝八釐三毫至一分。密蘆地。每畝五釐。稀蘆地。每畝二釐及三釐。成熟地。每畝八釐三

毫。至一分四釐八毫六絲七忽不等。籽種地。每畝九釐六毫八絲九忽。基地。每丈科銀五分。其按畝科徵者。每畝一分。至一分九釐不等。計蘆地千六百三十六頃十有九畝二分零。基地四百六十丈五尺。課銀千三百二十九兩三錢五分有奇。

一茶課。江蘇額行茶萬五千引。分發江寧茶引所。大使茶引八千。其餘七千。分發產茶之吳縣荆溪縣。凡有商販入山製茶。貨不論粗細。每擔給一引。每引額徵紙價銀三釐三毫。其徵收課

稅例於經過各關按照則例驗引抽收彙入關
稅項下報銷安徽舊行茶四萬五千引新增二
萬四千九百八十引共六萬九千九百八十引
分發產茶之潛山太湖歙休寧黟宣城寧國太
平貴池青陽銅陵建德蕪湖六安霍山廣德建
平十七州縣凡有客商赴山製茶每擔給一引
每引徵紙價銀三釐三毫其徵收茶課例於經
過各關按照則例驗引抽收彙入關稅項下解
部又歙縣街口司有每年茶芽完納茶稅銀四
錢三分二釐彙歸地丁奏報○雍正十年題準

歙休寧黟寧國建德霍山六縣茶引不敷行銷
請增萬八千三百八十引○又覆準六安霍山
黟建德寧國五州縣請增萬五千五百引又懷
寧桐城宿松望江南陵涇旌德石埭東流當塗
等十縣地不產茶開除八千九百引○十三年
題準六安歙休寧霍山等四州縣茶引不敷行
運五六千引請於額引之外預頒萬引遇額引
不敷即給行運每年所頒餘引同額引一并發
貯布政使司遇有動用按數給發將給存剩數
目於歲底造冊具題

江西茶課額徵銀三百六十五兩七錢行茶
二千四百三十八引每引徵紙價銀三釐三毫
三絲徵課銀一錢五分○雍正九年題準寧州
武寧縣額引不敷共增百五十引增課銀三十
二兩五錢○乾隆二年覆準江西額銷茶引三
千紙今南昌等三十二縣地不產茶並無商販
領引辦課應停給茶引七百十有二紙豁除課
銀百有六兩八錢紙價銀二兩三錢七分九毫
浙江茶課額行茶十四萬引每引交紙價銀
三釐三毫北新關每引徵茶稅銀二分九釐三

毫八絲彙入關稅報解○康熙五十五年覆準
浙省每年例銷茶引十有四萬商人願備本銀
將每年解送黃茶親交

內庫一切水脚亦願自備今給與執照領引置茶
過關投稅均如舊例其存剩餘引按年赴部繳
銷○雍正五年題準以浙省產茶獨多銷引數
倍他省行銷最遠輾轉興販商無定人應設商
人二名每年自備紙價銀四百六十二兩於藩
司衙門詳給咨批赴部交納請頒額引到浙呈
送布政使司挂驗轉給存貯俟各商販置茶齊

全赴北新關輸納稅銀管引商人每年辦解各陵寢需用黃茶暨供應

上用黃茶

內廷需用黃茶九十二筭又每銷一引應解茶果銀并盈餘銀四分二釐八毫計十有四萬引每年共解內務府銀六千兩

湖北茶課額徵銀二百三十兩行茶二百三十引係咸寧嘉魚蒲圻崇陽通城興國通山七州縣請領各州縣產茶無幾不足本地日用所有茶引無商可給向種茶園戶經紀中按每引紙

價銀三釐三毫徵稅銀一兩又均州荊門州鍾祥縣本地舖戶肩販小筭粗茶每引報稅一釐八毫名曰落地稅盡收盡解乾隆八年四川建始縣改隸湖北施南府舊行茶十有八引隨帶湖北每引徵稅銀二錢五分課銀一錢二分五釐共六兩七錢五分湖南茶課額徵銀二百四十兩行茶二百四十引向例茶商皆自陝帶引赴楚採買本省所領茶引並無客領給發產茶之善化湘陰瀏陽等十七州縣行戶以為一年護帖每一引徵紙價銀三釐三毫納稅銀一兩

甘肅茶課額徵銀六千二百六十六兩三錢二分六釐。本色茶十有三萬六千四百八十筵。行茶二萬八千七百六十六引。每引紙價銀三釐。三毫榆林府千引。神木同知二百引。寧夏府二百七十引。三路共千四百七十引。每引徵課銀三兩九錢。共徵銀五千七百三十三兩。又西商大引二萬七千二百九十有六。於西寧莊浪洮岷河州甘州五司地方行銷。內小引百三十有二。在西安鳳翔漢中同州四府州縣售賣。每引行茶百斤。內交官茶五十斤。餘五十斤。即為商

茶。令其售賣作本。每茶百斤。作為十筵。每筵二封。每封五斤。共徵茶十有三萬六千四百八十筵。又漢中府屬西鄉興安漢陰紫陽石泉等州縣所產之茶。向不設引。止許本地行銷。每年徵茶稅銀五百三十三兩三錢二分有奇。歸入地丁奏銷案內。○順治初定易馬例。每茶一筵重十斤。上馬給茶十二筵。中馬給茶九筵。下馬給茶七筵。○七年題準舊例。大引筵茶。官商均分。小引包茶。稅分差等。今定大小引一例平分。○十年覆準。延寧二處商稅。每引茶百斤。量入官

茶三十斤。每斤折銀一錢三分。交庫彙報。○又
覆準。各番交易茶馬。量齎烟酒。以示撫綏。○十
三年覆準。新茶中馬既足。陳茶變價充餉。如新
茶不足。陳茶兩筵折一中馬。○十四年覆準。私
茶私馬變價。及贖罪銀。原留中馬支用。今廣寧
開成黑水安定清平萬安武安等七監馬匹蕃
庶。改折充餉。○康熙三十二年題準。西寧五司
收貯茶筵。年久難免浥爛。每筵十斤。變價銀六
錢。○三十六年覆準。陝西黃甫堡原額行茶百
三十四引。今口外蒙古在殺虎口就近易鹽。以

致黃甫茶引不行。嗣後將額引停其頒發。○又
覆準。甘州司積貯茶筵。在五鎮俸餉之內。銀七
茶三。每銀一兩搭放。值三錢。茶一封。○四十二
年題準。陝西額行茶二萬七百九十六引。發西
寧莊浪洮岷河州四司通番易馬。內有八百餘
小引。售西安鳳翔漢中三府人民供食。後因大
引漸次寢更。見今止留小引百餘。三府地方人
民不足食用。今於小引原額內。頒五百引。給商
行茶。每引徵茶五筵。每筵折銀四錢。共徵銀千
兩。○四十四年題準。西寧等處所徵茶筵。停止

易馬將茶變價折銀每新茶一篋折銀四錢陳
茶一篋折銀六錢充餉○五十七年議準陝西
西寧地方原額九千二百四十八引每引照例
徵茶五篋折銀四錢徵銀四千兩○六十一年
覆準陝西西寧莊浪岷州河州界連口外增茶
引四千交與總督辦理一年定例之後仍交巡
撫辦理○又議準陝西西寧等處舊茶悉行變
賣以充兵餉○雍正三年覆準甘肅四司茶篋
自康熙六十一年為始五年內總收本色五年
後即將五年以前之茶發出變價挨次出陳存

新將變價銀兩按年題報總以五年為率○八
年覆準甘肅收貯茶封照依時價發出變賣飭
令各司半月一報倘有驟長驟落亦即據實報
明并責成各道員稽察七監所費仍將所奏市
價按季具結報部變價銀兩造冊奏銷○乾隆
元年題準甘肅應徵新茶自乾隆元年為始準
其每茶一篋折交銀五錢照數徵收俟陳茶銷
至八分之後應否改徵本色再行酌議具題又
新茶雖經改折陳茶銷售猶難將西寧莊浪洮
岷河州甘州五司庫貯陳茶每封減價銀二錢

嚴飭司茶各官上緊變賣取結送部○二年題
準甘肅商人承辦茶斤例由地方官稽察驗放
今榆林神木額設茶引赴陝西潼關察驗實屬
繞道脚價倍增于商未便嗣後商茶入陝之後
將榆林茶令綏德州察驗神木茶令府谷縣察
驗○七年覆準甘肅應徵新茶仍徵本色○十
三年奏準應徵茶封嗣後每年以二成徵收本
色八成徵收折色

四川茶課額銀萬三千一百二十八兩三錢
七分五釐茶稅銀四萬五千九百四十二兩三

錢七分八釐舊額新增共十萬五千二十七引
每引交紙價銀三釐三毫課銀一錢二分五釐
內邊引八萬四百二十有七每引徵稅銀四錢
七分二釐腹引八千有六每引徵稅銀二錢
五分土引萬六千四百九十有四每引徵稅銀
三錢六分一釐按年造報奏銷○康熙二十六
年覆準四川茶增行邊腹萬有一百五引○二
十九年四川蓄茶漸茂用茶漸廣增行二千四
百二十三引○四十一年定四川天全土司增
五千六百引○又題準四川茶雅州增行二千

七十九引邛州三百引榮經縣三千五百有四引○四十四年四川名山縣增邊引三千三百有十○又題準雅州腹引難銷今改爲邊引行茶○四十五年題準新繁大邑灌縣增行茶千九百引○四十八年覆準增行天全土司茶五百有十引○四十九年覆準增行天全土司茶七百二十引○又覆準雅州增邊引千九百八十○五十八年議準四川茶課合邊引土引共六萬四千九十八引于松潘打箭爐行銷令均行飭禁將引繳部應徵稅銀暫行停止尋以二

處土司相繼歸誠仍發邊土二引行銷○雍正三年覆準增邛州邊引千三百○四年覆準雅州成都大邑榮經灌縣等五州縣額引不敷行銷增邊引八千六百三十有五○又覆準天全土司增土引七百七十○又覆準增安縣邊引二百○五年覆準邛州增邊引千有一百○六年覆準四川遵義府改屬貴州其仁懷縣額徵茶稅銀六十二兩五錢茶課銀一兩六錢九分三釐又正安州額徵茶課銀二兩自七年爲始貴州交納○七年題準增洪雅嘉定二州縣腹

引共三百。又天全土民願增土引二千三百有
五。○八年題準天全土民願增土引三千九百
四十。○又題準雅州榮經二州縣茶引節年于
打箭爐地方行銷。今因無力行茶。改撥新繁茂
眉等縣招商認銷。邊引二千二百三十有三。○
又覆準四川茶引。應徵權課每斤止徵銀四絲。
九忽有奇。實屬太輕。若照舊誌每茶一斤徵課
銀二釐五毫。似覺太重。應酌減舊誌之半。無論
邊土腹引。概以每斤徵銀一釐二毫五絲為額。
○九年題準成都等六州縣增行茶三百六十

九引。通江縣增六百七十八引。○又題準灌縣
等九縣增邊腹共六百五十二引。○又題準羅
江等四州縣增腹引五十有一。新都等四縣增
腹引二百二十。邛州增邊引千一百。天全州增
土引四千二百七十有一。○十年題準漢銅梁
綿竹眉丹稜等五州縣增腹引共三百二十有
五。又崇寧鄰水雅安汶川邛等五州縣增邊引
三千六百有三。○又題準保寧府屬之巴州通
江南江原額邊引二百。向係灌縣商人代領買
茶配引行銷。請改撥灌縣于九年為始。按年行

銷○十一年題準名山等十六州縣共增邊腹
五千七百六十一引○十二年覆準什邡合南
川銅梁太平等五州縣共增腹引四百○又覆
準增邛州邊引千三百○乾隆元年題準洪雅
縣請增腹引二百五十○六年題準成都彭縣
灌縣積引難消酌減四千四十九引

雲南茶課額徵銀九百六十兩茶引三千每
引徵紙價銀三釐稅銀三錢二分按年彙入地
丁冊內造報○康熙四年覆準北勝州今改永
平府
開茶馬市商人買茶易馬者每兩抽稅銀三分

該撫詳造交易細數番商姓名每年題報○雍
正十三年題準雲南商販茶係每七圓爲一筒
重四十九兩抽收稅銀一分今每百斤給一引
應以茶三十二筒爲一引每引抽稅銀三錢二
分于十三年爲始頒給茶引三千飭發各商行
銷辦課作爲定額造冊題銷
直隸。

盛京山西河南廣西均無茶課向不頒引○山東
向不頒引惟濟南府額徵茶稅銀八兩係牙行
赴司領帖每茶一馱抽稅銀三分歷城縣額徵

銀一兩四錢壽張縣茶行經紀一名每年納稅銀三兩六錢又濟寧州有商運茶到州每茶百斤抽稅銀一錢粗茶百斤抽稅銀五分均彙入雜稅項下○福建向不頒引康熙十九年因軍需議加茶課銀三百五十九兩二錢至康熙二十六年欽奉

恩詔豁免

自此並無徵收茶課惟崇安之武彛山產茶

聽商販運於經過關口照則例納稅多寡不一彙入商稅項下奏銷○廣東地不產茶向不頒引民間食用或藉江閩商販或採野茶自食所

徵茶稅惟樂昌縣十兩五錢長寧縣六兩每年附入雜稅又潮州廣濟橋每粗茶百斤稅銀五分細茶百斤稅銀三錢四分彙入橋稅內報解○貴州舊無額銷茶引雍正六年因四川仁懷縣改隸貴州隨帶二百五十引每引徵紙價銀三釐徵稅銀二錢五分共徵稅銀六十二兩五錢共徵課銀一兩六錢九分三釐八毫

引式

戶部為茶法事陝西清吏司案呈照得各省茶法題準各項事例已經通行遵奉訖所有

引目條款合行開列鑄造銅板印刷引目給付茶商收執照茶前去發賣施行須至引者一茶引每引無論粗細連包照茶百斤爲一引給半印引目引價納完隨即發引照例不許溢額

一客商販茶不許茶引相離違者卽同私茶與私鹽同罪

一經過關津批驗所依例照驗將引由截角別無夾帶方許放行

一茶至各省府州縣住賣者卽赴該地方官

驗明截角發賣

一偽造茶引者處斬籍沒當房家產告捉人賞銀二十兩

一出園茶主將茶賣與無引客商興販者杖六十原價入官

一行茶地方

某省某府某州縣某城某街某營堡等處

一金銀礦課雲南永北府屬金沙江金礦每年

額課金七兩二錢六分遇閏加金一兩二錢一

分永昌府屬上潞江金廠額課金二十五兩五

錢六分遇閏不加開化府屬錫板金廠額課金

三十四兩遇閏加金二兩四錢貴州思南府屬
天慶寺金礦每兩抽課金三錢三分廣東惠州
府永安縣粗石坑潮州府豐順縣雙山兼嘉應
州大禾碓各銀鉛礦均每銀一兩抽課四錢五
分每鉛百斤抽課二十斤雲南開化府屬馬腊
底銀礦額課七百有六兩八錢六分遇閏不加
中甸屬古學銀廠額課銀五百六十八兩五錢
三分六釐三毫遇閏不加建水州屬黃泥坡銀
廠額課銀六百六十一兩一錢一分遇閏不加
雲州屬興隆銀廠額課銀三千一百三十二兩

六錢五釐有奇遇閏不加永昌府屬募迺銀廠
額課銀三百兩遇閏不加南安州屬石羊銀廠
額課銀二萬二千三百九十兩三錢二分遇閏
加銀二十九兩又馬龍銀廠額課銀六百九十
八兩五錢二分有奇又土草喇銀廠額課銀六
十兩八錢四分有奇均遇閏不加楚雄縣屬永
盛銀廠額課銀三千三百七十五兩九錢六分
遇閏不加鶴慶府屬蒲草塘銀廠額課銀四百
二十一兩八錢一分七釐有奇遇閏加銀二十
四兩三錢鄧川州屬沙澗銀廠額課銀千三百

二兩六錢七分遇閏加銀百有六兩三錢三分
四釐臨安府屬個舊銀廠額課銀三萬三千六
百十有三兩七錢八分遇閏加銀三十八兩新
平縣屬方丈銀廠額課銀六十八兩八分遇閏
加銀四兩七分四釐永昌府屬茂隆銀廠抽課
多寡無定額○順治元年定山東巡撫開採臨
朐招遠等處銀礦並令毋滋姦弊○八年覆準
禁止臨朐招遠等處開採○康熙十五年差部
員至山西應州邊耀山監視煎鍊銀礦○十九
年覆準各省開採所得金銀四分解部六分抵

還工本按月報銷○又定差官往陝西臨潼等
處試採銀礦○二十年定差官往山東萊陽縣
試採銀礦○二十一年定雲南省屬銀礦招民
開採官收四分給民六分○二十二年停止山
東山西陝西等省開採○四十三年

諭聞開採之事甚無益於地方嗣後有請開採者悉著
不準行欽此○五十一年奏準開採雲南大姚縣惠

隆銀廠○五十二年題準湖南郴州黑鉛礦產
有銀母除商人工本外抽稅一半○五十三年
題準雲南惠隆廠照郴州例抽分○五十七年

題準雲南楚雄府石羊等廠臨安府個舊等廠
抽收不足照地丁雜項銀例題奏○又覆準雲
南霑益州貴州威寧府接壤地方出產銀礦令
候補知府知州各一人協理廠務三年內果有
成效照調補烟瘴例升補並準開廠人衆先發
米糧預備以平米價如遇歲歉暫時停止○又
奏準開採雲南金龍銀廠○又題準開採貴州
威寧府屬猴子廠銀礦二八抽課○五十八年
題準雲南建水州屬華祝箐廠并雲南縣屬水
木支山金龍廠照惠隆廠事例抽分飭令盡收

盡解○五十九年題準開採貴州威寧府觀音
山銀鉛礦廠二八抽課○六十年題準雲南運
一廠獅子廠華祝箐廠洞門荆棘不便開採永
行禁止○雍正元年奏準開採雲南馬腊底銀
廠○又覆準停止貴州觀音山等廠○三年覆
準開採雲南古學銀廠○四年題準開採貴州
新開水城等銀礦二八抽課○五年奏準開採
雲南黃泥坡銀廠○六年題準湖南靖州屬之
墓坪山出產金砂應開採納課每淨金一兩抽
課四錢以五分作解供耗費及官役養廉以五

錢五分作商民工本○又題準開採廣西蒼梧縣屬芋莢山出產金砂每兩抽課二錢○又題準開採廣西臨桂縣屬水槽野雞二礦廠出產銀鉛銅砂二八抽課○又題準開採雲南永昌府屬募迺銀廠○又題準封閉貴州威寧府屬猴子廠銀礦○八年覆準湖南墓坪山金礦砂薄硎堅準其封閉○又題準封閉貴州新開水城等銀礦○九年題準廣西蒼梧縣芋莢山金礦確空砂薄準其封閉○十年題準開採雲南阿發銀廠○十一年題準開採廣西賀縣螞蛄

山銀礦每兩抽課三錢○十二年題準開採廣西懷集縣汶塘山銀鉛礦廠二八抽課○十三年題準封閉湖南郴州九架夾黑白銀鉛各礦及桂陽州大湊山鉛礦○乾隆二年題準廣西懷集縣屬荔枝山礦廠銀鉛並產準其開採所抽課稅按季報部歲終彙題○又題準開採廣西梧州府屬金盤嶺金礦二八抽課○又題準封閉廣西懷集縣汶塘山銀鉛礦廠○又題準封閉廣西臨桂縣出產銀鉛銅沙之水槽野雞二礦廠○三年題準廣西賀縣之螞蛄山銀礦

壠深沙薄準其封閉。○五年覆準。貴州威寧府屬白蠟廠銀礦開採年久洞老山空。又廣西蒼梧縣金盤嶺金礦砂薄不敷商本均準封閉。○七年題準。廣西省銀鉛並產之荔枝山礦礮淺沙竭難以開採準其封閉。○八年題準。貴州天柱縣屬相公塘東海洞等處金礦均屬荒郊曠野並無干礙民田廬舍照例開採每金一兩抽課三錢應需火工等項銀兩均於課金內變銀給發。○九年覆準。廣東廣州府番禺等縣出產銅礦十二處鉛礦二十二處銅鉛礦砂三處。韶

州府屬曲江等縣出產銅礦五處鉛礦二十七處。又銅鉛礦砂三處。惠州府博羅等縣出產銅礦十六處鉛礦十處有鉛礦兼有銀砂五處。潮州府屬海陽等縣出產銅礦六處鉛礦七處銅鉛礦砂十五處。又銅鉛礦砂兼有夾雜金銀砂十四處。肇慶府屬鶴山等縣出產銅礦二處鉛礦五處。又銅鉛礦砂九處。羅定州屬西寧縣出產銅鉛礦砂五處。連州州屬及連山縣出產銅鉛等礦十七處。銅礦一處。嘉應州州屬及長樂等縣出產銅礦四處鉛礦六處。詳加確察。如果

實無妨礙民田廬墓確有成效卽行招商開採
倘有採出金銀捏作銅鉛扶同侵隱情弊立即
嚴叅究追將採獲銅鉛仍照定例二八抽收按
季造報歲底具題各廠所抽銅鉛金銀令該管
道官發給地方官循環流水印簿連五串票將
每日所出銅鉛金銀各若干填註流水分截串
票一繳該管道官衙門一存地方官稽察一付
商人存照其串根流水一月一繳該管道官衙
門察覈仍十日一次申報督撫衙門暨司道處
稽考按月造具採煉鉛銅金銀支銷公費各冊

繳報該管道官衙門察覈仍按季造冊分送督
撫衙門該司稽考凡日逐採出砂斤挨次堆貯
如某日煎煉某壠某日礦砂若干斤鑪頭報明
官商督同煎煉該管官一同驗明分別銅鉛金
銀分記塊數斤兩註冊登填串票督撫仍不時
訪察如有偷漏情弊分別究追叅處治罪其各
州縣礦山多者十數處少者亦有數處若止召
一總商令其自召副商協辦恐資本浩繁一時
不能獲召副商轉致耽延時日令一縣之中如
有礦山數處及數十處者惟於連界之處許一

商兼承其隔遠不相連之山每山許召一商承充則在山工丁便於管束倘有資本無幾者仍聽其合夥同充至承充之人先令其將本銀親赴該管道官覈明或二千兩或三千兩總以足敷用度爲率不必拘執定數覈明之後仍令齎赴該州縣就近呈驗貯庫發領州縣於結報文內聲明驗貯本銀若干出具並無捏飾印結詳報督撫衙門批准承充由司給與商人印照赴山開採如礦少砂微之處不能容商開採許附近人民報官開採照例抽課倘商人因開採無

利及工力不繼自願告退別召殷實商人接辦日後所得礦砂悉與退商無涉○又覆準廣東開礦事宜應於廣州肇慶二府近處山場擇其礦砂旺盛無礙民田廬墓酌量二三處先行試採如果有成效再奏請定議漸次舉行照原定章程辦理至金銀礦於鼓鑄無涉應停止開採照舊封閉嚴飭地方官弁不時巡察倘有盜開私煎之徒即嚴拏究治其銅鉛礦有夾帶金銀屑者仍準開採照例抽課○又題準廣東潮州府海陽縣水尾白墳珂山場銀鉛並產應

行試採○十年題準廣東惠州府永安縣粗石坑肇慶府陽春縣莫村那軟瓦塹等廠銀鉛並產韶州府曲江縣黃峒山銀銅並產均應試採○又題準封閉雲南大姚縣惠隆銀廠○又題準封閉雲南金龍銀廠○十一年題準開採貴州水城所屬法都銀礦○又題準開採貴州思南府屬天慶寺金礦○又題準廣東惠州府河源縣藍溪約銅鑼灣凹下坦薑凹銀銅鉛並產潮州府豐順縣李樹灣風吹礮雙山萊嘉應州大禾坪均銀鉛並產應行試採○又題準貴州

天柱縣相公塘東海洞金礦洞深砂淡準其封閉○又題準廣東海陽縣水尾白墳坳豐順縣李樹灣風吹礮陽春縣莫村那軟瓦塹等礦皆砂微利薄試採期滿均請封閉○十二年題準開採貴州威寧州屬大化里新寨地方銀鉛礦砂每煎銀一兩抽課四錢○十三年題準廣東曲江縣黃峒山河源縣藍溪約銅鑼灣凹下坦薑凹等礦試採無效準其封閉○十四年題準封閉貴州新寨銀鉛礦○又題準封閉雲南阿發銀廠

一銅鐵錫鉛礦課山西文城縣馬鞍山鉛礦二
八抽課又文城縣屬新開子洞金溝鉛礦二八
抽課又平定州屬銅題山鉛礦照例抽課湖南
郴州桂陽二鉛廠二八抽課陝西同州府屬華
陽川鉛廠二八抽課福建延平府屬州縣鑪戶
每年輸銀二百六十二兩四錢有奇湖北宜都
縣橫磧漢洋二鐵礦二八抽課四川樂山縣屬
老洞溝梅子凹銅礦均二八抽課迤北建昌鎮
會川屬沙溝類廠出產黃礦青礦黃礦燒鍊點
化紅銅青礦燒鍊點化黑鉛又興隆銅廠三分

抽課建昌鎮寧番營屬紫古喇銅廠三分抽
課又黃鐵山高爐六座照例抽稅變銀盡收盡
解廣東惠潮韶肇等府銅錫礦廠二八抽課又
廣東鐵爐二十四座年納餉銀千二百十有六
兩廣西恭城縣屬山斗岡銅礦每百斤抽課十
五斤又廣西臨桂等府州鐵礦五十四座每座
年輸銀十兩廣西宣化縣屬淶生嶺鉛礦二八
抽課又恭城縣屬上陡岡蓮花石銅鉛礦廠二
八抽課又恭城縣屬大有朋山鉛廠每百斤抽
課十五斤雲南永平縣青陽銅廠羅次縣三才

銅廠宜良縣大石碕銅廠。和曲州芹菜菁銅廠。會澤縣湯丹銅廠。大水溝銅廠。碌碌銅廠。多那銅廠。東川府阿堪租銅廠。鎮雄州長發坡銅廠。元江府青龍銅廠。寧洱縣白龍銅廠。蒙自縣金釵銅廠。易門縣寨子山銅廠。昆陽州子母銅廠。趙州二郎銅廠。永平縣銅礦菁銅廠。文山縣者囊銅廠。順寧府寧台山銅廠。路南州鳳凰坡銅廠。紅石巖銅廠。宣威州龍寶大山銅廠。騰越州安庫山銅廠。平彝縣白石巖銅廠。南安州香樹坡銅廠。馬龍銅廠。麗江府日見汎銅廠。廣通縣

雙象銅廠。平彝縣半個山銅廠。新平縣太和銅廠。以上各廠年額共課銀萬八百二十五兩七錢九釐有奇。定遠縣媽泰白銅廠。茂密白銅廠。每年課無定額。彙入銅息冊內造報。雲南鐵鑪十六座。年額課銀百三十四兩四錢有奇。又蒙自縣屬個舊錫廠。每年額課銀三千一百八十六兩。又羅平州屬卑浙鉛廠。每百斤抽課十斤。平彝縣屬塊澤鉛廠。每百斤抽課十斤。貴州大定府屬格得正廠。八地子廠。每銅百斤抽課十斤。威寧州屬銅川河銅

廠。水城屬法都鉛廠。威寧州屬蓮花塘砂硃鉛廠。都勻府屬濟川鉛廠。思南府屬天星扒泥洞白鉛廠。均二八抽課。○康熙二年題準。四川黎漢紅卜苴二洞白銅舊廠。令民開採輸稅。○十九年題準。浙江富陽等處。任民採取銅鉛。照例抽稅。○又覆準。湖廣衡永府屬產銅鐵錫鉛處。招民開採輸稅。○二十年停止。浙江富陽等縣開採。○二十四年議準。四川邛州蒲江縣黃鐵山開鐵礦六座。招民開採。十分抽稅二分。○又奏準。雲南各鐵廠。照

例抽課。以佐邊餉。○二十七年覆準。四川自康熙二十三年起。至二十五年止。共抽稅鐵萬一千六百餘斤。照每斤二分之時價變賣。報部充餉。○四十九年題準。雲南澂江府屬路南州之開太廠。羊腳跡廠。廣西府屬彌勒州之紅萬廠。均不產銅。永行封閉。至昆陽州有子母廠。易門縣有寨子山廠。均為銅礦。令開採。以收課息。○五十年題準。湖南產鉛地方。山深谷邃。境通黔粵。苗徭雜處。開採不便。永行封閉。○五十二年題準。湖南大湊山黃

沙等三處於一年內開採獲稅鉛三十六萬二千一百餘斤。五十三年覆準四川應子廠獲有黑鉛開採納課。五十七年覆準四川各廠通行停止。雍正元年覆準雲南廠課將元年正月起至十二月止抽收課項於二年五月內造冊題報嗣後永爲定例。二年題準貴州大定府屬馬鬃山嶺鉛廠又普安縣屬丁頭山鉛廠均準開採二八抽課。又覆準貴州威寧府齊家灣丁頭山等處出產鉛礦交商人開採納課。三年覆準湖南九

架夾地方出產白鉛雇募人夫開採所獲鉛斤照例二八抽課。五年覆準貴州大定州猴子廠硃老砂竭別有水城等礦煎試有效許其開採令該撫據實抽收造冊題報。又題準開採貴州威寧府屬膩書阿都二廠二八抽課。六年題準開採廣西臨桂縣潯江烟竹岐二銅廠懷集縣上富銅廠二八抽課。又題準廣西恭城縣屬申家瑤禾木嶺等廠二八抽課。七年題準湖南桂陽州大湊山白銅礦廠應準開採所出鉛斤照舊二八

抽收按季造報○又題準貴州威寧所屬齊家灣鉛廠永行封閉○又覆準貴州畢節縣大雞廠出產倭鉛威寧府屬裸木果地方出產銅礦煎試有效準令開採照例二八抽課○又題準開採廣西宣化縣屬鏡鉞山鉛廠二八抽課又臨桂縣屬水槽野雞二礦廠出產銀鉛銅砂準其開採二八抽課○八年題準四川建昌所屬會川之迤北興隆二廠寧番之紫古咧沙基二廠并九龍廠出產紅白銅礦本省商人不善挖礦應召募四方殷實商人自備資

本赴廠開採所出紅銅三分抽課又會川沙溝嶺廠出產黃礦青礦黃礦燒煉點化紅銅青礦燒煉點化黑鉛公母廠出產紅銅黎溪廠出產白銅均準開採抽課○又題準貴州威寧州所屬砂硃廠大興廠鉛礦試有成效應準開採所出鉛照例二八抽收○又覆準停止貴州威寧府屬阿都膩書二廠○又覆準雲南羅平州之卑浙塊澤二廠產在深山一切米糧什物器具較之他廠甚貴又二廠每鉛百斤約費工本銀一兩七錢九分交官得價銀二兩若照例二八

抽課每百斤只得八十斤之價。虧本一錢九分。人必畏阻。恐於鼓鑄有妨。請仍照議每百斤抽課十斤。如遇礦廠興旺。商民雲集之日。仍照舊例行。○九年題準。貴州遵義縣屬小洪關地方出產倭鉛。採試有效。準委遵義縣管理。所出鉛照例每百斤抽課二十斤。每百斤定價銀一兩五錢。變解貯庫候撥。如有以多報少。即行題參。○十年題準。貴州大定府格得八地二廠。產有銅礦。請將格得為正廠八地為子廠。照例開採。每百斤抽課十斤。○又題準。貴州大定府屬

大興鉛廠。畢節縣大雞鉛廠。開挖數載。礦砂無出。準其封閉。○又題準。封閉四川沙基九龍公母黎溪等銅廠。○又題準。封閉四川沙溝嶺銅鉛廠。○十一年題準。貴州威寧府屬裸木果銅廠。礦汁漸淡。出銅無幾。準其封閉。○又覆準。廣西桂林等府州。開燒鐵礦。照例抽課。○十二年題準。湖南大湊山白鉛礦廠。仍行停止。○又題準。開採廣西懷集縣屬汶塘山礦廠。二八抽課。

○十三年

諭。廣東近年以來。年穀順成。米價平減。盜賊漸少。地方

寧謐與從前風景迥異。今若舉行開採之事，不免聚集多人，其中良頑不一，難於稽察管束，恐為閭閻之擾累。况本地有司，見在勸民開墾，彼謀生務本之良民，正可用力於南畝，何必為此僥倖貪得之計，以長喧囂爭訟之風。著該部即行文該省督撫，令其遵諭停止。欽此。○又題準，封閉湖南九架夾地方鉛礦。○又題準，封閉廣西宣化縣屬鏡鉞山鉛礦。○又題準，貴州威寧州蓮花塘地方產有鉛礦，準其開採，嚴飭管廠人員，全數開報，照例二八抽收。其抽收課鉛，照所定之價，每百斤以一兩五錢。

變價解庫。○又題準，廣西臨桂縣潯江烟竹枝二廠，懷集縣之上富廠，開挖日久，壠口深遠，準其封閉。○乾隆元年題準，貴州遵義縣屬之小洪關鉛廠，硃老山空，開採無益，準其封閉。○又覆準，廣西恭城縣屬之申家嶺、禾木嶺等礦廠，壠深砂薄，抽課有限，準其封閉。○二年題準，廣西懷集縣屬汶塘山礦廠，各壠無砂，又臨桂縣屬之水槽野雞二處礦廠，開採年久，礮老砂微，均準封閉。○又題準，貴州大定府屬之馬鬃嶺鉛廠，箐安縣屬之丁頭山鉛廠，開採年久，硃老

山空均準封閉。○又覆準廣西宣化縣屬之涿生嶺鉛礦試採有效準其開採。○三年題準廣東開採礦廠原為鼓鑄需銅起見應責成地方官詳細察勘辨明砂色如果實係產銅山礦始準結報開採其金銀等礦悉行封閉至黑鉛即係銀母未便蒙濶開採應嚴行禁止其各州縣礦山原屬多寡不等應召募總副各商務責本地殷實良民自備資本赴廠開採不許外省游手閒民濶雜冒充所收銅鉛除照例二八抽課外仍將所餘銅鉛每百斤別抽三釐并加少三

斤以備搬運折耗及在廠官役養廉工食之用每年抽收課餘銅鉛並動用工本等項照例造冊題銷。○四年奏準山西絳州垣曲縣之毛家灣銅鉛苗線旺盛四至均無關礙地方準其開採其煉出銅照例抽課。○又題準廣東陽春縣屬鸚鵡等山歸善縣屬石門仔等山永安縣屬慶牛窩等山曲江縣屬砦崗蘆溪等山大埔縣屬東山下坑等山博羅縣屬分水凹等山準其開採所出銅照例抽收。○又題準貴州綏陽縣月亮巖地方產有鉛礦無干礙田園廬墓照例

開採抽課。○五年題準廣東原有錫山應酌開三四處即令辦銅各商自備工資分任採辦凡得錫百斤照例二八抽收以二十斤交官起解以八十斤歸商作本準其開採。○又題準雲南羅平州屬卑浙塊澤二廠自停止官收以來外省鉛價日賤既無客販來廠收買鑪戶運銷變售殊難暫行封閉。○六年題準山西垣曲縣毛家灣銅礦礦砂淡薄開採無益準其封閉。○又題準貴州威寧州屬銅川河廠產有銅礦準其開採照例二八抽分。○又題準雲南羅平州之

卑浙塊澤二鉛廠準其照例開採。○七年題準四川建昌道所屬之迤北沙溝紫古咧三銅廠川東所轄雲陽界連奉節縣之銅鉛礦廠永寧道所轄長寧縣之茶山溝鉛山並無妨礙田園廬舍準其開採。○又題準四川會川所屬之沙溝嶺銅鉛並產仍準開採。○又題準貴州威寧州屬銅川河銅礦並無干礙民間田園廬墓採試有效題請開採每銅百斤抽課十斤。○又題準廣東曲江英德歸善博羅永安大埔陽春等縣之銅山準其封閉。○又題準開採廣西恭城

縣山斗岡銅礦。每百斤抽課十斤。○九年題準廣東廣州府增城縣大竹坳井底鉛礦。應行試採。○又題準。封閉四川長寧縣茶山溝鉛礦。○十年題準。湖廣宜都縣橫磧漢洋二處鐵礦。察明並無妨礙。準其開採。以資器用。二八抽課。變價解司。○又題準。四川建昌紅銅各廠。見採獲銅尚不足。鼓鑄勢難。又為酌撥。點化白銅。請將黎溪白銅一廠。暫行封閉。俟各廠紅銅盛旺。鼓鑄有餘時。再請開採。○又題準。福建延平府屬州縣所轄山場。均產鐵砂。準鑪戶設鑪開扇。照

例抽課。○又題準。廣西開採各屬銅廠。除二八抽課外。商民所獲餘銅。若照部定九兩二錢之價。官買。商民難免賠墊。請將動帑收買餘銅。槩行停止。其各屬銅廠。改為三七抽課。餘銅聽商自行售賣。試行一年。如果敷用。即永遠辦理。倘或不敷。再為設法變通。○又題準。四川東道屬雲陽界連奉節各銅鉛礦廠。永寧道屬之長寧鉛廠。苗絕。準其封閉。○又題準。貴州各廠。除抽課外。每餘鉛百斤。鑪民所得收買價銀一兩三錢。不敷工本食用之費。將蓮花砂硃二廠餘

鉛於向定官價一兩三錢外酌增銀二錢每百斤以一兩五錢收買○又題準貴州水城通判所屬之裸木底地方產有鉛礦並無干礙田園廬墓似可開採請照蓮花廠之例每鉛百斤抽課二十斤每百斤定價一兩五錢變價解庫辦事人役工食等項每月開銷銀三十兩六錢○又題準貴州普安州屬之羅朋地方產有鉛礦並無干礙田園廬墓試採有效準其開採嚴飭管廠人員據實開報照例二八抽收廠內辦事人役工食等項應準其照依月亮巖廠之例每

月支給銀四十兩六錢○又題準貴州都勻府丹江所屬之濟川地方產有鉛礦並無干礙田園廬墓似可開採每鉛百斤抽稅二十斤變價解庫辦事人役工食等項每月開銷三十兩六錢添設巡役八名統於課鉛變價項下開支○又題準廣西平樂府恭城縣屬猪頭嶺鉛礦並無干礙田園廬墓發鑪煎煉成鉛鉛內又分出鉛兩陀僧照例每煉鉛百斤抽正課二十斤撒散三斤每銀一兩抽正課銀一錢五分撒散三分陀僧每百斤抽正課二十斤撒散三斤準其開

採○十年題準廣東韶州府英德縣洪礫山銅礦應行試採○十一年題準四川開採沙溝紫古喇銅廠長寧鉛廠內煎獲銀委官煎驗分晰銀銅鉛計筭有虧商本仍以二八抽課俟將來礦砂旺盛仍照四六抽收○又題準福建尤溪縣鐵鑪戶歲納課銀十有四兩三錢有奇今勘明鑪戶資本消耗山場柴炭皆盡無人承頂所升課銀準其豁除○又奏準廣西銅廠開採年久隴路深遠挖取維艱原與從前之情形不同工費實屬浩繁若照原定二八抽課每餘銅百

斤給價八兩三錢及九兩二錢之數收買實在不敷商本準以十三兩之價作為定價收買俟將來礦廠旺盛銅鉛充裕之日即行據實覈減題報將餘銅收買一半其一半給商自行售賣○又題準貴州水城所屬法都地方產有鉛礦照裸木底廠之例準其開採○又奏準廣東開採銅鉛礦廠每鉛百斤除抽收課鉛公費外餘鉛七十斤以三十五斤交官給價收買其餘三十五斤聽商自行售賣以濟各商工本○又題準貴州思州府屬之楓香黑鉛礦廠礦砂淡薄

準其封閉○又題準封閉廣東增城縣大竹坨井底鉛礦○十二年題準開採貴州威寧州屬大化里新寨地方銀鉛礦砂每出鉛百斤抽課二十斤餘鉛歸官收買每百斤給價銀一兩五錢○又題準貴州綏陽縣月亮巖坪鉛廠衰微準其封閉○又題準貴州思南府屬之天星扒泥洞出產白鉛礦砂並無干礙民間田園廬墓悉照濟川廠之例開採○又奏準雲南祿勸州接壤之多那廠復行開採照湯丹廠例抽課每餘銅百斤給銀六兩即作湯丹廠子廠報銷○

又題準封閉廣東英德縣洪礫山銅礦○十四年題準封閉貴州大化新寨地方礦廠○又題準封閉廣西恭城縣猪頭嶺鉛礦○十五年題準封閉普安州屬羅朋鉛廠○又題準封閉貴州天星扒鉛廠○十六年題準封閉貴州水城所屬裸木底鉛礦
一水銀硃砂雄黃礦課○舊例貴州額徵開州用砂廠水銀千二百六十九斤遇閏加百三十三斤有奇婺川縣婺川廠徵水銀百六十九斤有奇均照時價變賣貯庫造冊報部○康熙元

年定貴省開州斗甫廠徵水銀九十五斤遇閏加十斤各有奇又普安縣橋廠招民開採徵水銀三百三十三斤○七年題準貴省開州斗甫婺川普安四廠連閏徵收水銀變價撥充本省兵餉○九年覆準貴省黔西州屬新開黃土坎廠徵水銀百斤○三十八年覆準開州用砂斗甫二廠山顏砂盡改於修文縣紅白巖地方開採辦課○雍正元年覆準貴州普安縣濫水橋水銀廠委修文普安二縣協同管理其修文縣屬水銀廠年久砂淡額課銀六百五十餘兩丁

逃難辦將普安縣報解水銀價銀百六十兩移解修文額課○又覆準貴州板廠水銀額課八十兩七錢在濫水廠抽收盈餘銀內抵補其板廠原額即行豁除○五年覆準貴州濫水廠水銀稅羨銀兩自本年五月起盡數報部充餉○八年題準貴州大定府屬開採硃砂雄黃二廠均照例二八抽課○乾隆二年覆準廣西思城土州硃砂礦廠見今止有一二壠口其餘絲毫無獲準其封閉○五年題準廣西南寧府屬果化土州雄黃礦廠開採年久壠深礦竭不能開

挖準其封閉○十二年覆準廣西鎮安府屬天
寶縣孟村涿因礦廠被水難以煎熬移於天寶
縣屬之那坡山開採

